

# Torre

Site,  
Cum'è un abbracciu maternu,  
Chì supraneghja l'infernu,  
Testimone à l'eternu.  
Torre,  
Tale un filare d'archere...Torre  
Firmate ritte è fiere,  
Sintinelle è guerriere.

Site,  
Di fronte à l'immensità,  
L'altare di la verità,  
Chì chjama a so libertà.  
Torre,  
Alzate da u terrore...Torre  
D'una epica di dolore,  
Chi purtava u so furore.

Site,  
Sbattute da milli venti,  
D'una storia di tormenti,  
Di lacrime è di lamenti.  
Torre,  
Occhjata ver'di l'avvene...Torre  
Pè supranà tutte è pene  
Nata da mille catene.

Site,  
Per st'agnellucciu chì pasce,  
Una speranza chì nasce,  
Nant'u chjassu di a pace

Torre,  
A s'orizzonte turchinu...Torre  
Si marita u marinu,

In un sussuru latinu.